

橄欖治痢奇驗方



光緒癸巳重刻

橄欖治痢奇驗方

屢試屢驗
兼治時疫

板存杭城下城頭巷景文齋刻字
店如欲印者每本工料錢拾貳文



南京中醫藥大學圖書館版權所有

橄欖治痢奇驗敘

光緒八年歲次壬午陝西省舉行鄉試。熊自清潤奉調入闈。沿途陽雨不常。致感冒風寒。初不甚覺。及入闈。計膳錄。至初八日下午。忽患痢。一刻約有十餘作。因憶熊涵初先生有痢疾三方。囑內供給。購第一方藥品。據云頃將封門。應俟初十日購取。熊無法。只有待之。傍晚下痢尤劇。旁皇無措。忽憶入闈時。帶有閩中糖橄欖鹽橄欖各一包。遂各取三枚。裝入茶碗。用開水沖服之。服三次。各九枚。沖開水六次。一氣連渣進之。時將二鼓。痢亦

不下。乃上牀安息。次早急於欲下。疾如廁。下紅白痢。一大堆。膠黏如稠糊。病遂爽然如失。是日在至公堂蓋號。截晤受卷官。同官縣知縣。同鄉梁德鄰。濟謙。因告之。故德鄰素精醫理。領之而已。嗣於二十一日外場事竣。出闈。二十八日。據德鄰云。伊出闈後。亦病痢數日。諸藥不效。如法服糖鹽橄欖。一服而痊。真大奇事。數年來屢試屢驗。如神。似此治痢奇驗良方。實爲從古所未聞。且本年七月二十八日。熊七男鍾清。得秋疫之症。至八月十一日。大便不下。醫者迭進犀角地黃湯。及大黃石羔蜂

蜜服之。總覺譫妄不甯。疑神疑鬼。是晚二鼓。不得已亦用糖鹽橄欖各三枚。沖開水一茶碗與服。遂安眠酣睡。次日黎明。將沖過橄欖再沖開水一茶碗與服。約有一刻多。卽下寸餘長乾糞五六枚。病遂霍然而愈。是糖鹽橄欖不特可治極險痢證。并可治極危瘟證。惜七男病初起時。未與之服耳。若使早服。必早愈也。至倪涵初先生痢疾三方。治痢主於解。恐邪熱膠滯太多。亦有不能驟解者。若糖鹽橄欖主於利。一利而無不利。有不渣滓盡去。清光大來乎。况此二品。係閩省福州日用常服之

上蒼

果。并非攻剋狼虎之藥。可同。且服之萬無一失。實

上蒼憫斯人痢疫之苦。欲登諸仁壽。而於闡中若指示於熊

俾萬世得此疾者。皆可一服而瘳。且屢試屢驗。用敢敘

其緣起。刊刷分送。願天下

名公鉅卿。及通都大邑。窮鄉僻壤。精於岐黃者。推求其

故。廣而傳焉。不以熊言爲河漢。則幸甚矣。昔光緒十有

四年。歲次戊子九月二十三日。知陝西興安府石泉縣

事。閩縣陳熊采臣甫敘。

治法附左



南京中医药大学图书馆版权所有

凡病痢疾者。須於初更後。取糖橄欖九枚。鹽橄欖九枚。先用糖鹽橄欖各三枚。裝入尋常請客茶碗內。將開水沖滿一茶碗。用茶碗蓋蓋定。候稍涼。將湯服完。再用開水沖滿一茶碗。候稍涼。取糖鹽橄欖食完。將湯送下。第二次再取糖鹽橄欖各三枚。如前服。第三次仍取糖鹽橄欖各三枚。如前服。須一氣服之。服完卽睡。至次早痢下病愈矣。時疫之證。只服糖鹽橄欖之湯。不必將橄欖渣食下。其服糖鹽橄欖湯。必以晚間者。以晚間食遠。轉機較速。橄欖一名青果。一名諫。

果一名忠果。其樹高有二丈餘。皆正直不偏。顧名思義。蓋乾坤正氣所鍾。故能蕩滌邪穢。起沈痼於須臾。有如是之奇驗也。閩產者良。糖橄欖。閩省呼爲橄欖餅。鹽橄欖。閩中呼爲橄欖鹹。價值甚廉。應請諭飭各藥舖早爲購買。以應取攜。可藏數年不壞。

附吞生鴉片靈方

凡吞服生鴉片者。向雨繖店買柿漆水半茶杯。加清水半杯。調勻。灌下。不必吐瀉。其毒立解。卽已半死。撬開牙關。灌下。急用兩人扶定。百步勿令坐臥。亦可活。再柿漆水敷搽。溼瘡蛇纏。均奇效。如神。屢試屢驗。

跋

物之生也。各有其能。其能不著。天必默助之。使之大顯。於世。俾人人獲其益。而無所損。斯克盡因材而篤之。心。然天不能自顯之也。必藉人力以顯之。人亦不能自顯之也。必會逢其適。不得不用。而後物之能見。卽天之心亦隨之俱見。如吾友陳采臣以橄欖已痢是也。橄欖自古無治痢之說。乃明府於闔中無意得之。且求藥不得。不能不用。殆天牖其衷。使之服之。以顯橄欖之用以補古今醫家見解所不

及歟。余按本草橄欖入肺胃。清咽生津。除煩醒酒。亦清熱品也。痢者食積於大腸。水滯於膀胱。而不能通利也。橄欖木造舟。魚撥着卽浮出。其制水之功爲獨絕。茲以糖製之。使入胃。以鹽製之。使入腎。胃解而大腸通。腎解而小便利。痢尙能爲崇乎。惟產於福建者良。他省皆不及。此方一出。願各藥肆每年增此二品。其利濟豈有窮哉。光緒戊子十月。愚弟孫萬春介眉甫跋於茶谿榷館。

再此書係由江西南昌府幕友丁君樂士寄與其友范毓峯徐冠羣兩君冠羣得此方試之果驗遂商之某君芷澂冀廣流傳並言原書敘及糖鹽橄欖閩產者長第恐無從猝辦可權取南貨鋪或糖色店所售甜青果鹽青果充用惟青鹽者勿用雖不及閩產亦可收效爰亟與同人集貲刊刻印送尤願將來樂善君子務購到閩省福州之果多備以應取攜價廉而功大俾利濟及於無窮實有厚望焉光緒癸巳七月武林守拙子識

齊望惠資餘賢出小民旌林安鼎平端不此通
之果定前則誠非盡數乘而以大科評教又他無
其於此後則其誠誠來榮善焉有對都院國首
得果此則誠不火開致來何效慈父利與同人
其食其資而前對地南貴驗近誠也誠而書情青米
其然其誠誠誠誠誠誠誠誠誠誠誠誠誠誠誠誠
彌峯谷誠學而誠誠誠誠誠誠誠誠誠誠誠誠
再此書附由五西南昌誠誠誠誠誠誠誠誠誠誠



南京中医药大学图书馆版权所有

刊印姓氏

賈詠笙

樂助刻資

竹醉軒

印送二千五百本

許貫之

印送七百五十本

范毓峯

印送六百廿五本

壽萱堂

印送五百本

丁松生

印送五百本

舒潤齋

印送五百本

江蘭生

印送五百本

高興甫

印送一百廿五本

胡召亭

印送一百廿五本

其順堂

印送二百五十本

滕亮甫

印送五十本

沈舜甫

印送一百廿五本

吳宇清

印送一百廿五本

鄒子輅

印送一百廿五本

楊春浦

印送一百本

戴玉持

印送一百本

何鼎來

印送二百五十本

金藹臣

印送三百七十五本

吳正徵

印送六百廿五本

高萬生

印送一百廿五本

吳子紱

印送一百廿五本

譚商公助

印送六百廿五本

守拙子

印送五百本

